

**«Капиталбанк» АТБ да
юридик шахслар ва якка
тартибдаги тадбиркорларга
Комплекс банк хизматлари
кўрсатиш бўйича Келишувга
18-ИЛОВА**

**Масофавий банк хизматлари тизими орқали банк омонатларини
очиш, хизмат кўрсатиш ва ёпиш
Тартиби**

I. ҚЎШИМЧА АТАМА ВА ТАЪРИФЛАР:

1.1. Мазкур Тартиб мақсадларида қуйидаги атама ва таърифлардан фойдаланилади:

Омонат – Мижоз томонидан, банк омонати Шартномасига мувофиқ фоиз ёки қўшимчалар билан ёки уларсиз, Банк билан Мижоз ўртасида келишилган муддатга Банкка жойлаштириладиган миллий валютадаги ёки хорижий валютадаги пул маблағлари суммаси.

Қўшимча кирим – Агар бу Омонат шартлари билан назарда тутилган бўлса, Шартноманинг амал қилиш даври мобайнида Мижоз томонидан Омонат суммасига қўшимча равишда пул маблағларининг киритилиши;

Байрам ва/ёки иш куни бўлмаган (дам олиш) кунлар – Банк томонидан банк фаолияти амалга оширилмайдиган календар кунлар;

Тартиб – мазкур Масофавий банк хизматлари тизими орқали банк омонатларини очиш, хизмат кўрсатиш ва ёпиш Тартиби;

Омонат ҳисобварағи – Мижоз томонидан банк омонати Шартномасига мувофиқ миллий валютада ёки хорижий валютада жойлаштирилган пул маблағлари ҳисоби юритиладиган банк ҳисобварағи.

1.2. Мазкур Тартибда қўлланиладиган бошқа атама ва таърифлар Келишувда қўлланиладиган маъно билан бир хил маънога эга.

II. УМУМИЙ ҚОИДАЛАР

2.1. Мазкур Тартиб, Мижознинг омонатни жойлаштириш учун Аризасига (мазкур Тартибнинг 1-сон Иловаси) асосан Томонлар учун мажбурий тус олади (кучга киради) ва Мижозга масофавий банк хизматлари кўрсатиш тизими орқали банк омонатларини очиш, уларга хизмат кўрсатиш ва ёпиш бўйича Банк ва Мижоз ўртасидаги ўзаро муносабатларни тартибга солади.

2.2. Мазкур Тартиб, Келишув, Банк Тарифлари ва Ариза биргаликда Банк омонати Шартномасини (кейинги ўринларда — «Шартнома») ташкил этади.

2.3. Ариза Мижоз томонидан шахсан ёки ЭРИ орқали имзоланиши мумкин.

III. ПРЕДМЕТ

3.1. Мижоз пул маблағларини Омонатга кирим қилади, Банк эса уларни қабул қилади ва Шартномада белгиланган шартларда ва тартибда Омонатни қайтариш ва фоизларни тўлаб бериш мажбуриятини олади.

3.2. Мижознинг аризасида қуйидаги маълумотлар кўрсатилади:

- Омонат номи, тури (муддатли/жамғарма);
- Омонат валютаси, миқдори ва муддати;
- Омонат бўйича йиллик фоиз ставкаси;
- Омонатнинг бошқа шартлари (муддатидан олдин қайтариш шартлари, Қўшимча бадал киритиш имконияти ва ҳ.к.).

IV. ФОИЗЛАРНИ ҲИСОБЛАШ ВА ТЎЛАБ БЕРИШ ТАРТИБИ

4.1. Ўзбекистон Республикасининг Фуқаролик кодекси 764-моддасига мос равишда, Банк Шартнома билан ўрнатилган фоизларни омонат банкка тушган куннинг эртасидан бошлаб, то у омонатчига қайтарилган ёки бошқа асосларга қўра омонатчининг ҳисобварағидан ўчирилган кундан олдинги кунгача ҳисоблайди.

4.2. Йиллик базавий давр сифатида 365 кун қабул қилинади.

4.3. Омонатларнинг тўлаб берилиши ҳар ойнинг 25-санасида амалга оширилади. Агар фоизларни тўлаш куни Байрам ва/ёки иш куни бўлмаган (дам олиш) кунларига тўғри келса, тўлов куни дам олиш кунларидан кейинги биринчи иш кунига қўчирилади.

4.4. Омонат муддатидан олдин ёпилганида, фоизларни қайта ҳисоб-китоб қилиш Омонат шартларига мувофиқ амалга оширилади.

4.5. Омонатдан олинган даромадларни солиққа тортиш Ўзбекистон республикаси Солиқ Кодексига мувофиқ амалга оширилади.

V. ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ

5.1. Мижоз қуйидаги ҳуқуқларга эга:

5.1.1. Банк розилиги билан Омонат муддатини узайтириш, тақдим этилган талабларни қондириш учун асосий ҳисобварағида пул маблағлари етарли бўлмаганлиги сабабли Мижозда 2-сон картотека шаклланган ҳолатлар бундан мустасно;

5.1.2. Омонатнинг бутун суммасини ёки унинг бир қисmini муддатидан олдин қайтариб олиш. Бунда, Мижоз ўз режаси тўғрисида омонатни муддатидан олдин қайтариш санасидан камида 1 (бир) ой аввал ёзма равишда огоҳлантириши лозим;

5.1.3. фойдадан солиқ бўйича имтиёзлари мавжуд ҳолатда, Шартнома тузители пайтига имтиёзлар бўйича ёзма тасдиқни (далил) тақдим этиш;

5.1.4. Банкда бир нечта омонат жойлаштириш.

5.2. Банк қуйидаги ҳуқуқларга эга:

5.2.1. Шартноманинг амал қилиш даври мобайнида Мижознинг пул маблағларидан Амалдаги қонунчиликка мувофиқ ўз мақсадларини таъминлаш учун фойдаланиш;

5.3. Банкнинг мажбуриятлари:

5.3.1. Мижознинг пул маблағларини Омонатга қабул қилиш ва Шартнома шартларига ва Амалдаги қонунчилик талабларига мувофиқ ўз мажбуриятларини бажариш;

5.3.2. Фоизларни Шартнома шартларига ва Амалдаги қонунчиликка мувофиқ ўз муддатида ва тўлиқ ҳисоблаб бориш;

5.3.3. Омонат муддати тугаган куни Омонат суммасини ва тўланиши лозим бўлган фоизлар суммасини Мижознинг ҳисобварағига ўтказиб бериш. Агар маблағларни қайтариш куни Байрам ва/ёки иш куни бўлмаган (дам олиш) кунларига тўғри келса, Омонатни қайтариш дам олиш ёки байрам (иш куни бўлмаган) кунларидан кейинги биринчи иш кунига қўчирилади.

5.3.4. банк сирини ташкил этувчи ахборот ва маълумотларнинг махфийлигини қафолатлаш. Банк сирини ташкил этувчи маълумотлар фақатгина Амалдаги қонунчиликда назарда тутилган ҳолларда тақдим этилиши мумкин.

5.4. Мижоз Аризада кўрсатилган Омонат суммасини Ариза берилганидан сўнг 3 (уч) банк иш кунинида ўтказиб бериш **мажбуриятига эга.**

5.5. Томонларнинг ҳар бири, Шартнома бўйича ўз мажбуриятларини бажаришига таъсир ўтказиши мумкин бўлган зарур ахборотни олиш ҳуқуқига эга.

5.6. Томонлар Шартнома ва агар унга кейинчалик ўзгаришлар киритилса, шунингдек шу киритилган ўзгаришлар шартларига риоя этиш мажбуриятига эга.

5.7. Ўзбекистон Республикасининг қонунчилигида назарда тутилган ҳолларда ҳисобварақдаги пул маблағлари хатлов (арест) қилинганда ёки ҳисобварақда операциялар тўхтатиб турилганида, Омонат бўйича фоизларнинг ҳисобланиши, чекловлар олингунга қадар тўхтатиб турилади.

VI. ТОМОНЛАРНИНГ ЖАВОБГАРЛИГИ

6.1. Томонлар Шартнома бўйича ўз мажбуриятларини бажармаслиги ёки лозим даражада бажармаслиги учун Амалдаги қонунчилик, Келишув ва мазкур Тартибга мувофиқ жавобгарликка эга.

6.2. Агар Банк томонидан Шартнома шартларига мувофиқ амалга оширилиши лозим тўловлар муддатлари кечиктирилса, Банк Мижозга ҳар бир кечиккан кун учун кечиктирилган тўлов суммасининг 0,01% миқдорида, аммо кечиктирилган тўлов суммасининг 10%идан кўп бўлмаган миқдорда пеня тўлайди.

VII. ЯКУНИЙ ШАРТЛАР

7.1. Шартнома Ариза берилган кундан ва Банкка Омонат суммаси келиб тушган кундан бошлаб кучга киради ҳамда Томонлар Шартнома бўйича ўз мажбуриятларини тўлиқ бажаргунларига қадар давом этади.

7.2. Шартнома бекор қилинганда (тўхтатилганда) Омонат ҳисобварағи ёпилади.

7.3. Шартнома билан боғлиқ низолар Томонлар ўртасида музокаралар орқали ҳал этилади. Агар музокаралар орқали низоларни ҳал этиш имкони бўлмаганда, низолар Келишувда белгиланган тартибда ҳал қилинади.

7.4. Банк ва Мижоз ўртасидаги ушбу Тартиб билан назарда тутилмаган муносабатлар Амалдаги қонунчилик ва Келишув билан тартибга солинади.

**Масофавий банк хизматлари тизими орқали
банк омонатларини очиш, хизмат кўрсатиш
ва ёпиш Тартибига
1-СОН ИЛОВА**

**Омонат жойлаштириш учун
АРИЗА**

Миллий/хорижий валютада муддатли/жамғарма депозит ҳисобварағи очишни ҳамда пул маблағларини қуйидаги шартларда омонатга жойлаштиришни сўраймиз:

Омонат номи: _____

тури: _____

омонат валютаси: _____

омонат миқдори: _____

омонат бўйича йиллик фоиз ставкаси: _____

омонат муддати: _____

омонатни муддатидан аввал қайтариш шартлари: _____

Қўшимча кирим киритиш имконияти: _____